

## Ná Dúisigí

Bhí an sioc aréir chomh crua  
Tá sé feanntach fuar inniu  
Seo an lá don chóta mór  
Seo an lá don phéire miotóg

Tá an tír chomh socair ciúin  
Tá an crann amuigh faoi shuan  
Mar a chéile an ghrainneogín  
Ina codladh de ló is d'oích'

Ach i dtír na mbrionglóidí  
Tá an sionnach ag rith is ag spraoi  
I bhfad i bhfad ón aimsir fhuar  
Tá broc ag spraoi le hiora rua

A ainmhithe ná dúisigí  
Seo an t-am do bhrionglóidí  
Fanaigí 'na gcodladh go fóill  
Tá an Geimhreadh ag síneadh romhainn  
Tá an Geimhreadh ag síneadh romhainn  
Tá an Geimhreadh ag síneadh romhainn